

皇
清
經
解

金

清

經

解

皇清經解卷五百六十四

學海堂

考工記圖

下

休寧戴吉士

震

著

玉人之事鎮圭尺有二寸天子守之命圭九寸謂之桓圭公守之命圭七寸謂之信圭侯守之命圭七寸謂之躬圭伯守之信

古今字

補注鎮圭命圭通謂之介圭

爾雅圭大尺二寸謂之玠據鎮圭言也詩錫爾介圭以作爾寶

以其介圭入覲于王據命圭言也

介者大也禮器大圭不琢以素為貴亦謂

此也

大有二義以尊大言者鎮圭命圭之為大圭是也長大言者大圭長三尺桴上終葵首是也

凡圭剡

上寸半厚半寸博三寸

天子執冒四寸以朝諸侯

注名玉曰冒者言德能覆蓋天下也四寸者方以尊接卑以

小為貴

顧命偽孔傳云瑁所以冒諸侯圭以齊瑞信方四寸表刻之蓋俗儒臆說

天子用全上公用龍侯用瓚伯用將

龍駟古字多通用莫江反瓚作旦反將當作將力輟

反

補注說文解字曰禮天子用全純玉也上公用駟四玉一石

侯用瓚三玉二石也伯用將玉石半相將也此蓋泛記用玉

為飾之等石謂石之次玉者如詩之充耳琇瑩貽我佩玖琇

與玖皆美石

繼子男執皮帛

脫簡誤在此衍文

天子圭中必

注必讀如鹿車繹之繹

車下革縛結於軸者陳宋淮謂以組楚之問謂之畢大車謂之綦

約其中央為執之以備失隊

疏云按聘禮記五等諸侯及聘使所執圭璋皆有纁藉及絢組

絢組所以約圭中央恐失隊此
不言諸侯圭舉上以明下可知

四圭尺有二寸以祀天

補注一邸而四圭邸為壁在中央圭各長尺二寸在四面壁

大小未聞也

典瑞疏云蓋四面圭各尺二寸與鎮圭同其壁為邸蓋徑六寸總三尺與大圭長三尺又等

大圭長三尺杼上終葵首天子服之

注王所擯大圭也或謂之琕終葵椎也

說文云椎擊也齊謂之終葵

為椎

於其杼上明無所屈也杼網也相玉書曰琕玉六寸明自炤

網色界反殺字之異者本或作殺

補注鎮圭瑞也大圭笏也故擯大圭而執鎮圭笏亦謂之手

版

徐廣車服儀制曰古者貴賤皆執笏即今手版也

亦謂之薄

蜀志稱秦必見太守以薄擊頰

天子

玉笏

王藻曰笏天子以球玉管子曰天子執玉笏以朝日是也

其守六寸謂之琕近首蓋

殺半寸

凡笏廣三寸殺半寸自中已上漸殺笏上廣二寸半也

土圭尺有五寸以致日以土地

注夏日至之景尺有五寸土猶度也建邦國以度其地而制其域

補注土圭之灋詳見大司徒職余嘗論其義曰日南日北猶堯典之度南交度朔方也日東日西猶堯典之度嵎夷度西也分四方測驗然後折取其中日南景短日北景長取中而得尺有五寸以是求南北之中日東景夕日西景朝時刻壘移取中加時以是求東西之中所謂測土深正日景以求地中者如是蓋測土深以南北言聖人南面而聽天下古者宮室皆南嚮故南北爲深東西爲廣猶之車輿以前後爲深左

右爲廣也表景短長卽南北遠近必測之而得故曰測土深

正日景以東西言自東至西環地面各有子午卯酉東方日

中景正西方尙在午前而爲景朝西方日中景正東方已過

午後而爲景夕周髀稱晝夜異處加四時相及據其方戴天

相距四分天周之一爲言地周與天周等以率率之公一次周天十二次

則銓一時一日之十二時地與天恆相應也東西相銓若干時半之

則爲地中與東西所銓之時是則地中景正而東方景夕西

方景朝也凡銓一時於地面繩直計之大致得六千里道路迴曲

之數則過乎此矣必正其日中之景以審時之相銓故曰正日景合

是二者一爲南北里銓一爲東西里銓觀堯典周禮前古測

里銓極詳所云寒暑陰風之偏及四時天地交合陰陽風雨

和會蓋實驗而知先驗其偏後求之而得其中也測非獨夏至夏至日中景最短以最短爲度及其漸長皆用是度之古人用土圭測黃赤二道猶今之測北極高下也寒暑進退晝夜永短悉因之而隨地不同土圭之灋不惟建王國用之封國必以度地以此知某國偏東偏西偏南偏北然後可定各地之分至啟閉其疆域廣輪之實亦於是分明不惑焉

裸圭尺有二寸有瓚以祀廟

裸或作裸或作果古亂反

注裸之言灌也裸謂始獻酌奠也瓚如盤其柄用圭有流前

注

典瑞注云漢禮瓚槃大五升口徑八寸下有槃口徑一尺

補注瓚勺也大小之度當如三璋之勺記省文互見者多矣

漢制瓚大於古而龍口記曰鼻而已不聞龍口也

琬圭九寸而縹以象德

注琬猶圓也縹藉也

琰圭九寸判規以除慝以易行

易以破反行下孟反

補注琬琰之名以剡上之寸半為別也凡圭直剡之倨句磬

折上端中矩琬圭穹隆而起宛然上見

爾雅宛中宛丘上見有丘為宛丘宛中隆

並此琰圭左右剡坳而下如規之判

典瑞注鄭司農云琬圭無鋒芒故以治德結好

琰圭有鋒芒傷害征伐誅討之象

璧羨度尺好三寸以為度

羨以善反

注鄭司農云好璧孔也爾雅曰肉倍好謂之璧好倍肉謂之

瑗肉好若一謂之環玄謂羨猶延其表一尺而廣狹焉

典瑞注羨

不圓之貌蓋廣徑八寸表一尺

圭璧五寸以祀日月星辰

注圭其邸為璧

璧琮九寸諸侯以享天子

琮才宗反

注享獻也

小行人注享天子用璧享后用琮其大各如其瑞皆有庭實以馬若皮惠天牧曰小行人合六幣圭

以馬璋以皮璧以帛琮以錦琥以繡璜以黼圭璋曰先朝聘以之璧琮曰加享禮以之琥璜曰將大饗以之圭璋特謂皮馬不上堂璧琮九寸諸侯以享天子而諸侯自相享則以琮璧琮享諸侯束帛加璧享夫人束錦加琮天子饗諸侯諸侯自相饗酬以繡黼而將以琥璜終南諸侯受顯服曰黻衣繡衮采蒔天子命諸侯曰玄衮及黼此王賜繡黼之文其錫之也王拜送爵以琥璜將之故曰琥璜爵

穀圭七寸天子以聘女

補注典瑞職曰穀圭以和難以聘女注曰穀善也其飾若棗

文然

大璋中璋九寸邊璋七寸射四寸厚寸黃金勺青金外朱中鼻寸衡四寸有纁天子以巡守宗祝以前馬

注射琰出者也鼻勺流也衡謂勺徑也三璋之勺形如圭攢天子巡守有事山川則用灌焉於大山川則用大璋加文飾也於中山川用中璋殺文飾也於小山川用邊璋半文飾也其祈沈以馬宗祝亦執勺以先之禮王過大山川則大祝用事焉將有事於四海山川則校人飾黃駒

大璋亦如之諸侯以聘女

補注陳氏曰此鎡簡也當繼穀圭七寸天子以聘女之後亦如之者亦如穀圭之七寸

鄭注云如邊璋七寸射四寸

蓋天子聘女用圭

諸侯聘女用璋此尊卑隆殺之等也

琫圭璋八寸璧琮八寸以覲聘

注琫文飾也

典瑞注鄭司農云琫有斫鄂琫起

衆來曰覲特來曰聘

牙璋中璋七寸射二寸厚寸以起軍旅以治兵守

注二璋皆有鉏牙之飾於琰側先言牙璋有文飾也

駟琮五寸宗后以爲權

注駟讀爲組以組繫之因名焉

此亦有鼻以結組省文互見

大琮十有二寸射四寸厚寸是謂內鎮宗后守之

注如王之鎮圭也射其外鉏牙

疏云鉏角徑之爲尺二寸角各出二寸兩相鉏四寸

駟琮七寸鼻寸有半寸天子以爲權

注鄭司農云以爲權故有鼻也

兩圭五寸有邸以祀地以旅四望

注邸謂之祗有邸僛其本也

補注兩圭蓋琮爲之邸故文托此大宗伯職注曰禮神者必象其類璧圓象天琮八方象地

琬琰八寸諸侯以享夫人

注獻於所朝聘君之夫人

前已云琬圭璋八寸璧琮八寸以規聘復見此文以明規聘兼享與

夫人之禮

案十有二寸棗桌十有二剡諸侯純九大夫純五夫人以勞諸

侯

勞力報反

注鄭司農云案玉案也夫人天子夫人

衆人其夫人致飲于賓客之禮則此爲三

夫人勞諸侯未爲不可

玄謂案玉飾案也棗桌實於器乃加於案聘禮

曰夫人使下大夫勞以二竹簋方

注云以竹爲之如今寒具簋

玄被纁裏

有益其實棗烝桌擇兼執之以進

補注案者桷禁之屬儀禮注曰桷之制上有四周下無足蓋

今承禮器注曰禁如今方案隋長局足高三寸桷又名斯禁斯盡也切地

無足此以案承棗桌上宜有四周制小方案局足此亦宜有

足劉謂兩以劉也純耦也鄉射禮三算為純一算為奇惠天牧曰二王後

二十四兩兩劉之則十二諸侯十八兩兩劉之則九大夫十

兩兩劉之則五飾案古以玉漢以金銀加文畫焉

璋邸射素功以祀山川以致稍餼


注邸射剡而出也典瑞注云璋有邸而射鄭司農云射剡也鄭司農云素功無瑑

飾也

補注璋其邸為琮而射琮八方言射者則角剡出

璋

圭




剡半

圭

據聘禮記及贊大行凡圭厚博左右剡竝同桓圭九寸信圭七寸躬圭七寸而前詘圭尺五寸穀圭七寸櫟文瑑圭八寸圻鄂瑑起形制無殊也不別爲圖


半圭曰瑑瑑璋八寸有圻鄂牙璋中璋七寸射二寸剡側有鉏牙之飾皆不別爲圖

璧



肉倍好謂之璧子執穀璧五寸
男執蒲璧五寸考工記文不具
琢璧八寸有圻鄂爾不別爲圖

琮



惟大琮言射四寸以射各出二寸兩兩相對并爲四寸其餘皆不言射琮八方象地疑不刻爲射故八方也琮琮八寸圻鄂琮起天子之駟琮七寸鼻寸半宗后之駟琮五寸琮外角內實故爲鼻以結組諸侯享王后之琮九寸已下爲瑩皆不別爲圖

此爲試讀，需要完整PDF請訪問：www.ertongbook.com